



ORANJESTAD – Fundacion Rancho kier duna contenido na e fecha di Dia Internacional di Inmigrante, considerando cu nos isla ta un pais di inmigrantenan. Director di fundacion Rancho, Sr. Clifford Rosa a declara cu nan ta trahando cu e kalender di Unesco. Pa tal motibo e fecha di 18 di december ta uno “hopi importante caminda nos ta bay duna un tiki luz tambe pa cu e Dia Internacional di Inmigrante”.

Pero dicon fundacion Ran-

Rancho lo celebra Dia Mundial di Inmigrante como bario multicultural y multinacionalidad

cho lo kier duna atencion na e fecha aki? Sr. Rosa a declara cu Rancho ta un bario multicultural ya cu nan tin diferente aspecto di diferente nacionalidad. P’esey nan ta mira cu esaki lo ta un bon momento pa para keto un rato y refleha riba e parti grandi di inmigrante y integracion na Aruba. “Nos tin diferente nacionalidad den e bario aki”, el a bisa.

Programa

Ta asina cu diadomingo awor, fundacion Rancho lo organisa su Streanan di Bario den nan Centro di Actividad situa na Koningstraat 38 for di 3’or atardi te cu 9’or anochi. Nan tin un programa intensivo ya cu esaki ta e ultimo actividad cu nan ta organisa pa culmina 2017. E dia ey Museo Arkeologico lo ta habri for di 10’or di mainta pa 2’or atardi. Tambe lo tin un caminata of paseo saliendo for di Museo Arkeologico pasando den e hanchinan di Rancho, entre nan esun di Construcion y Hanchi di Calki pa asina yega

den Koningstraat.

Sr. Rosa a bisa cu pa medio di e caminata aki nan tin diferente punto di atencion. Tambe lo tin un stacion di cuminda ofreci dor di The New Mofongo Restaurant. Nan kier destaca e restaurant aki ya cu e ta situa den un punto central den e paseo. Un plato cu no mester falta ta esun a base di pisca ya cu e ta algo caracteristico di Rancho; pero e cabrito tambe. For di merdia e publico lo por disfruta di cuminda tradicional di e bario di Rancho. “E ta bay ta un cuminda costero”, segun Sr. Rosa. Den e parti gastronomico bo lo por wak e diferente cultura presente den e bario aki cu ta bay resalta den e tayo tambe. Tambe lo bay tin “algo pa refresca”. Pa 3’or atardi lo tin actividad cultural den e hanchinan di

Rancho entre nan e mural printing y tambe e luz den hanchi. Sr. Rosa a indica cu otro actividad tin di haber cu un fiel amigo di Fundacion Rancho, Sr. Benjamin Romero kende lo bay papia di su buki E Negoshi di Koffie na Aruba. “E ta algo sumamente importante pasobra den e buki tambe ta wordo resalta e importancia cu Rancho a haci durante e periodonan di koffie na Aruba y e actividad laboral cu a tuma luga riba nos waf. Esaki lo tuma luga den Centro di Actividad mes banda di 5’or atardi. E hende interesa lo haya chens pa adkiri e buki aki caminda un parti di e fondo genera pa e benta aki lo wordo destina pa Fundacion Rancho.

Tambe lo tin un espacio den e programa dedica na declama-

cion for di 4’or te anochi. Pa 7’or anochi nan lo cuminsa cu e apertura di e hanchinan, pues e lo ta full un ambiente festivo y alegre den Rancho. Lo bay tin un agrupacion gaitero Strea di E Bario, un agrupacion cu tin su historia ya cu el a nace den Rancho/Socotoro. Despues di hopi aña nan ta reuniendo y haciendo algun entrenamiento pa deleita e publico e anochi ey. Esaki lo sosode den Koningstraat mes banda di nan Centro di Actividad unda tin un tereno habri caminda Fundacion Rancho ta desea pa e bira un plasa cu un homber pa duna honor na personahenan di Rancho. E agrupacion gaitero Strea di E Bario lo cera cu broche di oro e actividad aki organisa pa fundacion Rancho den cuadro di Dia Internacional di Inmigrante.